

Manasses gebeth

de tho regniert ende dre maende en tven dage
regnierte hy in iherusalē. en hefft gedaen quaet
et in de aengesicht des heren. En do eyn iaer vmb
gegaen was hefft die konick nabugodonosor
baede gesat die ok en leyden in babilonye end
en wech namen die kostlike vare des huis des
heren. Mer hy hefft gesat sedechiam sine oem
konynck auer iuda en iherusalē. Eyn en twyn-
tich iaer was alt sedechias doe began thoe reg-
niren ende elf iaer regnierte hy in iherusalem
ende hy hefft quaet gedaen in den ogen sinen he-
ren gaeds. noch hy en hefft sich niet geschamt
voer dat aengesicht. Iheremie des propheten
sprekende thoe em vyt dem munde des heren.
En hy is eyn wech gegaen vā de konynck na
bugodonosor die en beswaren hadde by gaede
en hefft welhart sine nacken en herte. dat hy ni-
et en solde wederkieren to dem heren got israhel.
Mer oeck alle die princen der priester ende dat
volck hebben auergetrede boesliken na alle vn-
myslicheit der heyden en hebben teuleckt dat
huys des heren dat hy en selue gehillicht had-
de in iherusalē. Mer die here got erte redere sa-
de to en doer die hant sinre baedē vp staende in
der nacht ende dagelicks voormaende darūts
dat hy sparen mochte sin volck en sin woenin-
ge. En se bespote die baeden gaeds en wesa-
den er rade. en beschympe die prophete also lā-
ge dat die torn des heren vp stot entegē sijn volck
want daer en was geyn bothe entegen. want
hy hefft gebracht auer se den konick vā Cal-
deen ende hefft gedoot er iungelinge myt dem
swerde in dem huysse des hilligen huys. He en
hefft sich niet verbarnt des iungelings der iue-
frouwe en des alden noch des gemedie neder-
krumet. mer alle hefft hy se gegeuen in sin han-
de ende hy hefft auergedragen in babilonye al
vathe des huys des heren also wael die groet-
ste als die kleynste. Ende schatte des tempels
ende des konyns en der princen. en die vian-
de hebben angestecke dat huys gaeds en voer
stuyt die muen iherusalē. Alle toerne hebben
so gebrant ende hebben voerderft alle dat kost-
lick was. Ende off ymant daer vutgynck dem
swerde die wart gelept in babilonie ende moe-
ste dyne daer dem konynge ende sinen soenen
bys dat regnierte die konynck. Cyrus van
persen en veruult wordē die rede des heren vyt
dem munde iheremie. Ende die erde vyerde ere
sabboth. want in alle den dagen der mystrosti-
ge hefft hy geholden sabbathen bys dat voer-
uule waren seuentich iaer. Mer in dat ierste ia-
re Cyri des konyns van persen vmb to vullen
brengen die rede des heren die he gesprake heft
doer den munt iheremie. hefft die here voerwe-
ket den geyst. dat is den willen. Cyri des ko-
ges van persen ende hefft gebaeden thoe voer

kundigen in alle sine rike oek auer mid s scriff-
ten seggende. Dit sprekt cyrus die konink vā
persen. die here got des hemmels hefft mi ge-
geuen alle die rike der erden ende hy hefft my
gebaeden dat ick em tymmerē solde eyn huys i
iherusalem. welck is in iuda. wyse is van uwe
in alle synē volke. die here sin got sy myt en en
de he elym vp

Hy hefft eyn ende dat tweyde boeck para-
lipomenon.

Dit ys Manasses gebeth des koninges van
iuda als he gheuangē ghehouden wart in ba-
bilyen.

D here got almēchtich vnser vader A-
braha Isaac ende Jacob en eren rechte
uerdigen saede. die du gemaecte hefft
hemel ende erde myt alle eren vertynge. dye
du gerekent hefft dat meer myt de worde dinc
gebaeds. die du bestoren heft den affgrint en
de gerekent hefft dyne vresercklike ende loue-
liken namen. welck alle mynschen vrechtē end
bekennē van dem aengesicht dyne craft. ende
vnlidelick ys die torn dyne drouwige auer die
sunder. Mer vnatelick en vnondersoeklik is
die barmherticheit dyne gelo. ff. want du
bist die aller hoechste here baue erick lank
modich ende seer barmhertich. ende berouwe
hebbende vp die quaetheit der mynschen. Mer
du here na dyne guetheit hefft du geloest pe-
nitēcie der vergeuinge der sunden. ende du got
der rechtuerdiger en hefft nyet geset penitēcie
den rechtuerdigen. Abrahā Isaac ende Jacob
des die nyet gesundicht en hebben. Want ick
gesundicht hebbe bauen getael des sandes des
meers myn boef heyde sint vermanichuoldicht
ende ick byn gekrummet myt vele banden des
yserns. ende my en is geyn leuen. want ick heb-
be verweckt dyne tornicheit. ende ick hebbe
quaet gedaen voer dy vnmynslicheit ende ge-
manichuoldiget die vertorninge. Ende nu
logen ick die kneen myns heren en byde here
van dy guetheit. Ick hebbe gesundiget here ik
hebbe gesundiget en ick bekene mine boefheit
ick begere bydde dy here. vergiff my vergiff
my en wyl nyet to samen verderue my myt my-
ne sunden. ende niet in ewicheit beholt my de
quaetheit. want du salte beholden my vnwe-
dich na dyner groter barmherticheit en ik sal
dy lauē al tijt in all den dagen myns leuens.
want dy louet alle craffe der hemmels. en dy is
glorie in der ewicheit amen.

Hy is vyt dat gebeth Manasses des konin-
ges van iuda.

[Marginal notes in a smaller, cursive script, likely a commentary or translation of the main text. The text is partially obscured and difficult to read due to the angle and fading.]